

unnd herrschafft in Walgow, Vadutz und am Eschnerberg wonhafftig und gesessen sein, sey sin sine diener oder nicht, frowen oder mann, die er yetzund haut oder noch gewinnet, sy sein eigen oder vogtlúte, lehen- oder pfandlúte, miteinander oder besonder, nyemand fúrbass mer ewiclichen, wie er sey und in welhen eren und wirden er ouch sey, fúrtreiben, fordern, ansprechen, beclagen, bekúmbern, urteilen oder achten sollen oder mogen vor unnserm kuniglichen hofgericht oder dem lanntsgericht zu Rotwil oder fúr dheinen andern lanntgerichten und rechten, wo die liegen, gelegen und wie die genannt sind. Besonder wer zu dem egen. Wolffarten, wer der ouch ist, zuo sprechen, zuo clagen oder vorderunge hat oder gewunen, der sol das tun fúr unns und unnserm raute. Wer aber zu den yetzgenanten seinen luten, einem oder mer, zu sprechen oder zu clagen haut, als vorgeschriben steet, der sol das tun vor dem eegenannten Wolfart oder seinem richter, do dann die selben lut gesessen sind, und ouch recht von in nemen und nyndert anderswo, es were dann, das dem clager oder clagerinen kuntlichen und offenlichen recht versagt wurde vor dem eegenannten Wolfart und seinem richter. Und wir gebieten dorumb allen und yeclichen fürsten, geistlichen und wertlichen, graven, fryen herren, dienstlúten, ritteren, knechten, amplúten, stetten, gemeinden, dem lanntrichter zu Rotwil und allen andern lanntrichtern und richtern und den und die an den lanntgerichten und gerichtten zu den rechten sitzen und urteil sprechen, die yetzund sein und in kunfftigen zitten werden, unnsern und des reichs lieben getreuen ernstlich und vestenlich mit diesem brief by unnsern des richs hulden, das sy furbass mer ewiclichen den obgen. Wolfart und seine erben noch die, als vorgeschriben stet, nit fúr das egen. lanntgerichte oder ander gerichte heischen, laden, vordern, fúrtreiben oder deheinerley urteil úber ir leib oder gut sprechen oder in die achte tun sollen, noch mugen in dhein weis. Und wo das geschee wider dise unnserere obgen. gnade und freyheit, die in disem unnserm brief begriffen seind, so nemen und tun wir die ábe mit rechten wissen und kúniglicher macht-vollkommenheit alle soliche ladung oder heischung, vorderunge, anspruch, urteil und die auchte und entscheiden, lútern, cleren und sprechen, das si mit einander und besunder alle uncrefftig und untúglich sein sollen, und tuon si ab und vernichten diese ouch gantzlich und gar in allen iren begriffen, meynungen und puncten,